



ԼԵԶՎԱԲԱՆՈՒԹՅՈՒՆ

ԱՐՄԻՆԵ ԳՐԻԳՈՐՅԱՆ

ՀՊՏՀ լեզուների ամբիոնի դոցենտ,
բանասիրական գիտությունների թեկնածու

ԼՈՒԻՆԵ ՀԱՐՈՒԹՅՈՒՆՅԱՆ

ՀՊՏՀ լեզուների ամբիոնի դոցենտ,
բանասիրական գիտությունների դոկտոր

ԶԱՐՄԱՆՔ ԱՐՏԱՀԱՅՏՈՂ ԼԵԶՎԱՄԻԱԿՈՐՆԵՐԻ ԻՄԱՍՏԱՅԻՆ ԿԱՌՈՒՑՎԱԾՔԻ ԱՌԱՋՆԱՀԱՏԿՈՒԹՅՈՒՆՆԵՐԸ

Սույն հոդվածը անդրադարնում է զարմանք արտահայտող լեզվամիավորների իմաստային կառուցվածքի առանձնահատկությունների խնդիրներին: Բաղադրիչային վերլուծության արդյունքում պարզվում է, որ տվյալ բառույթների իմաստային բովանդակությանը հասող են չեզոք, թույլ, ուժգին, հաճելի և տիած զարմանքի բնորոշումները:

Հիմնաբառեր. զարմանք, իմաստային կառուցվածք, բաղադրիչային վերլուծություն, նախատիպային իմաստույթներ, տարբերակային իմաստույթներ

JEL: Y8, Y9, Z19

Հայտնի է, որ հոյզերը և զգացումները մեծ դեր ունեն անհատի կյանքում: Մենք կազմակերպում ենք մեր կյանքը՝ փորձելով, որքան հնարավոր է, զերծ մնալ բացասական զգացողություններից, ինչպես նաև հնարավորինս մեծացնել դրական լիցքերի ազդեցությունը: Ըստ Ս. Թոմքինսի՝ հոյզերն են կառավարում մեր կայացրած բոլոր կարևոր որոշումները¹:

¹ Silvan Tomkins S., Exploring affect: the selected writings of Silvan S. Tomkins. Cambridge University Press, 1995:

Հոգեբանները փորձել են դասակարգել կարևորագույն հոյզերը, որի համար նախ անհրաժեշտ է ճշգրտել հոյզերի քանակը, որ մարդն իրականում կարող է ունենալ: Առաջնային հոյզերն այն նախնական զգացմունքներն են, որ մարդիկ ունենում են որևէ դեպքի կամ իրադարձության ժամանակ: Ավելի ուշ այս հոյզերը քողարկվում են երկրորդային հոյզերով, որոնց վերաբումը ավելի խորն է լինում: Գոյություն ունեն նաև երրորդային հոյզեր, որոնք կարող են ուժգնացնել առաջնային և երկրորդային հոյզերը²:

Ս. Թոմքինսն առաջարկում է հոյզերի 8 հիմնական տիպեր. հետաքրքրություն, զարմանք, հածույք, վիշտ, վախ, ամոթ, արհամարհանք և բարկություն: Ըստ հոգեբանի՝ սրանք բնածին են և ունեն ֆիզիկական դրսնորումներ. օրինակ՝ դեմքի արտահայտության փոփոխությունները³:

Տարբեր մշակույթների բազմաթիվ հետազոտությունների հիման վրա Փ. Էքմանը առաջարկում է հիմնական հոյզերի իր ցանկը: Ուսումնասիրության ընթացքում նա նկարագրում էր իրավիճակը և ակնկալում մարդկանց դեմքի համապատասխան արտահայտություն: Հարցվողներին ցուցադրվում էին նաև դիմային տարբեր արտահայտություններով լուսանկարներ, և նրանք պետք է նկարագրեին դրանց բնորոշ հոյզերը: Այս ուսումնասիրությունների հիման վրա Փ. Էքմանը եզրակացրեց, որ մարդիկ ունակ են դեմքի ավելի քան 7000 արտահայտություն ունենալ: Նա առանձնացրեց հոյզերի 6 հիմնական տեսակ՝ բարկություն, զգվանք, վախ, ուրախություն, տխրություն, զարմանք⁴:

Ըստ Ք. Իգարոյի՝ գոյություն ունեն 10 հիմնական հոյզեր: Ուրախությունը գուգորդվում է վստահության և սիրված լինելու գիտակցման հետ: Զարմանքը շարունակական հոյզերի ձանաշումն է. սա այն հոյզական դաշտն է, որտեղ մարդն անակնկալ վերաբերմունք է արտահայտում իր ապրած հանկարծակի փոփոխության նկատմամբ: Վիշտը ստիպում է պատասխանատվության զգացում ունենալ աշխարհում գոյություն ունեցող խնդիրների նկատմամբ: Բարկությունը կարող է ագրեսիվ վարքագծի դրսնորման պատճառ դառնալ, բայց դա կարող է ունենալ նաև հարմարվելու հատկություն՝ որպես ուժեղության և խիզախության արդյունք, հատկապես եթե անհրաժեշտություն է առաջանում պաշտպանելու սեփական արժանապատվությունը: Գարշանքը կարող է ստեղծել բարկության և հոյզականության վտանգավոր խառնուրդ, բայց կարող է նաև խթան հանդիսանալ՝ պահպանելու այնպիսի չափանիշներ, ինչպիսիք են հիգիենայի կանոններին հետևելը, բնապահպանական խնդիրների նկատմամբ ավելի սրտացավ վերաբերմունքը: Արհամարհանքը կարող է հասցնել ոտնահարման, որևէ վնասի, մինչև անգամ սարսարյուն սպանության: Վախը դրդում է մարդկանց խուսափելու վտանգավոր իրավիճակներից: Անորդ կարող է առաջացնել անպատճենություն և մեկուսացում, բայց ամոթից խուսափելը կարող է նպաստել ինքնակառավարման գործունեության բարելավմանը: Մեղքը կարող է իշխել և տվայտել ուղեղը, բայց մեղքից խուսափելու ջանքերը կարող են զարգացնել անձի պատասխանատվության զգացումը⁵:

Այսպիսով՝ վերը նշված դասակարգումներից կարելի է եզրակացնել, որ զարմանքը դասվում է հիմնական հոյզերի ցանկում: Մենք բոլորս էլ մեր

² Տես Plutchik R., Emotions. New York, 1980, էջ 12:

³ Տես Tomkins S., The quest for primary motives: Biography and autobiography of an idea. Journal of Personality and Social Psychology, vol. 41(2), 1981:

⁴ Տես Ekman P., Friesen W.V., Ellsworth P., Emotion in the Human Face. Pergamon Press, 1972:

⁵ Տես Izard C. E., The psychology of emotions. New York, 2004, էջ 25–26:

կյանքի ընթացքում ժամանակ առ ժամանակ ապրում ենք զարմանքի պահեր: Զարմանքի սկզբնական արձագանքը և զգացմունքը կարող են տևել վայրկյաններ, սակայն դա կարող է առաջացնել այլ հույզեր՝ կախված իրավիճակից: Երկրորդային հույզերը, որոնք կարող են առաջանալ զարմանքից, ներառում են:

- Վախ, եթե զարմանքի առաջացման պատճառը բացասական բնույթ է կրում, օրինակ՝ աշխատանքի հանկարծակի կորուստը կամ պատահարը:
- Բարկություն, որն ավելի տևական է, քան վախը:
- Շփոթմունք. այս զգացումը կարող է առաջանալ, եթե զարմանքը լավ կամ վատ դեպքի հետևանք է: Շփոթմունքը հաճախ անմիջական արձագանք է, բայց կարող է դանդաղել, եթե մարդը չի հասկանում, թե ինչ է տեղի ունեցել և ինչու:
- Ուրախություն, որն, անշուշտ, առաջանում է դրական հույզերից, ինչպիսին է երեխայի ծնունդը, աշխատանքում առաջխաղացումը կամ ֆինանսական անսպասելի հաջողությունը:

Զարմանքին վերաբերող հիմնական ֆիզիկական արձագանքները մեր վերահսկողությունից դուրս են: Եթե զարմանում ենք, մենք իրականում ժամանակ չենք ունենում մտածելու, թե ինչպես վարվել, կամ թե ինչպիսի տեսք ենք ունենում այդ պահին: Զարմանքը սովորաբար զուգակցվում է հետևյալ ինքնաբերաբար ստացվող դրսնորումներով՝ բացված բերան, լայն բացված աչքեր, բարձրացրած հոնքեր, կնծորտած ճակատ (որն արտահայտում է նաև զարմանք), սուր ձիչ (նաև վախի արտահայտություն), ցատկ, դող կամ ցնցում:

Դրական զարմանքը իիասքանչ ապրում է: Այն կարող է ուրախությամ, անկեղծ գոհունակության արդյունք լինել, դրական կերպով ազդել մարդու հոգեվիճակի, վստահության կամ ինքնազնահատականի վրա: Զարմանքի վիճակը ավելի քիչ լարված կամ կարծատև է, ահա թե ինչու է արագ վերածվում տարբեր վիճակների: Զարմանքի պահին դրան անպատրաստ մարդն ունենում է անհանգստության, կասկածամտության, ապակողմնորոշման, անտեղյակության զգացում և այլն: Ավելին, բացասական իրավիճակներում զարմանքը կարող է պատճառ դառնալ այնպիսի հույզերի, ինչպիսիք են բարկությունը կամ վախը, նաև առաջացնել ֆիզիկական և հուգական խնդիրներ: Բացասական զարմանքը կարող է հանգեցնել ցածր ինքնազնահատականի, ախտորժակի անկման և ընկճախտի:

Զարմանքն, անշուշտ, ունի հուգմունքին բնորոշ գծեր, բայց այն փոքրինչ այլ ինաստային երանգներ է ստանում: Ի տարբերություն այլ հույզերի, զարմանքը կարծատև վիճակ է: Այն չեզոք վիճակից կտրուկ, հանկարծակի, չսպասված իրադրության արդյունք է: Զարմանքը բոլոր հույզերից ամենակարձն է, որի տևողությունը ընդամենը մի քանի վայրկյան է, որից հետո մենք կենտրոնանում ենք այն փաստի վրա, թե ինչ է իրականում տեղի ունենում: Զարմանքը միաձուլվում է այլ հույզերի հետ՝ կախված այն բանից, թե ինչն էր, որ զարմացրեց մեզ, կամ էլ դա չի զուգորդվի որևէ հույզի հետ, եթե մենք որոշենք, որ զարմացնող դեպքը որևէ հետևանք չի կարող ունենալ:

Այսպիսով՝ փոքրենք ձևավորել «զարմանք» հույզի լեզվականացման միջոցները: Նախևառաջ, իրականացնելով սահմանումային վերլուծություն, որը հիմնված է բառարաններում տրված համապատասխան լեզվամիավոր-

ների սահմանումների վրա, մի շաբթ բացատրական բառարաններից կատարվել է համապատասխան լեզվամիավորների ընտրություն, որոնց սահմանումները լրացվել և սոուլգվել են նաև հոմանիշների բառարաններով⁶: Հետազոտության այս փուլում որոշված էր, որ բառարանային սահմանումը վկայում է «զարմանք» իմաստի առկայության մասին այն դեպքում, եթե ներառում է surprise նշանակության ցուցիչը կամ դրա հոմանիշները՝ amazement, astonishment, wonder:

Արդյունքում՝ առանձնացվել են զարմանք արտահայտող հետևյալ գոյականները.

1. surprise – a feeling or condition of being **surprised, astonished** caused by something happening *suddenly* or *unexpectedly*
2. amazement - the feeling that accompanies something *extremely surprising*
3. astonishment – a feeling of *very great surprise*
4. astoundment - the feeling or condition of being *greatly surprised*
5. consternation – a *worried, sad* feeling after you have received an *unpleasant surprise*
6. dismay – a feeling of apprehension or alarm after you have received an *unpleasant surprise*
7. disbelief - the feeling of *not being able* to believe something, **amazement; astonishment**
8. stupefaction - a feeling of *stupefied astonishment*; the feeling of distress and disbelief that you have when something *bad* happens accidentally
9. shock – a *strong* feeling of **surprise**, especially something *unpleasant*
10. dumbfound (dumbfounder) – a state of being speechless with **astonishment** and **amazement**
11. stupor – a state in which one is *unable* to think, hear, etc. clearly, because he/she had been **surprised** or shocked
12. blow - a state or feeling of *deep* distress or misery because of a sudden *unpleasant surprise*, disaster or misfortune
13. wonder - the feeling excited by something *strange*; a mixture of **surprise**, curiosity, and sometimes awe
14. awe – a mixed emotion of reverence, respect, dread, and **wonder** inspired by authority, genius, great beauty, sublimity, or might; *overwhelming wonder*, admiration, respect, or dread
15. marvel - to be filled with an *admirable surprise* or wonder
16. wonderment – a feeling of *pleasant, rapt surprise* when you see or experience something beautiful, unusual or unexpected
17. admiration - *pleasurable* contemplation or **surprise**
18. startle – a *sudden* shock or **surprise**
19. daze – a confused state of shock and **amazement**

⁶ Վերլուծության համար օգտագործվել են հետևյալ բառարանների տվյալները՝ 1) Cambridge Advanced Learner's Dictionary. Cambridge University Press, 2005. 2) Collins Cobuild English Dictionary. GB., Harper Collins Publishers, 1998. 3) Merriam–Webster's New Dictionary of Synonyms. USA, Merriam Company Publisher, 1978. 4) Oxford Advanced Learner's Dictionary of Current English, Oxford, N.Y., Oxford University Press, 2009. 5) Random House Unabridged Dictionary. N.Y., Random House, 1993. 6) www.oxforddictionaries.com 7) www.thefreedictionary.com:

Չարմանք արտահայտող լեզվամիավորների բառարանային սահմանումներից կարելի պատկերացում կազմել տվյալ հովզի գոյաբանական կառուցվածքի մասին՝ թե ինչ տարրեր է պարունակում, ինչպիսի բնորոշումներ է ստանում: Չարմանքը նկարագրվում է՝

- Իրավիճակի անսպասելիությամբ, որը բնութագրվում է *չսպասված /unexpected/ ածականով:*
- Արտասովորությամբ, որն արտահայտվում է այնպիսի միավորներով, ինչպիսիք են՝ *անժամոր, անտվոր, նոր, անհայտ, արտակարգ /unusual, novel, new, unfamiliar, extraordinary/:*
- Անհասկանալիությամբ, որը մատնանշվում է *անբացատրելի, անհաշվելի /inexplicable, uncountable/ տարրերի կիրառմանը:*
- Տարօրինակությամբ, որը բառարաններում ներկայացվում է այնպիսի արտահայտություններով, ինչպիսիք են զգացողության բացակայությունը, հոգեբանական շփոթմունքը, հավատալու անկարողությունը կամ ցանկության պակասը, վերին աստիճանի շփոթվածությունը /lack of sensation, mental confusion, unable or unwilling to believe, utter perplexity/:

«Չարմանք» հասկացույթի իմաստային պատկերն ամբողջական դարձնելու համար կիրառել ենք բաղադրիչային վերլուծության մեթոդ /compositional analysis/, որը թույլ է տալիս տրոհել բարիմաստի տարրերը մանրագոյն բաղադրիչների՝ իմաստույթների, կատարել ենք վերոնշյալ լեզվամիավորների իմաստային կառուցվածքի հատկանիշների վերհանում⁷: Վերլուծության արդյունավետության նկատառումներից ելնելով՝ իմաստույթների վերհանման գործընթացում վերստուգել և անհրաժեշտության դեպքում լիացրել եք բառարանային սահմանումները՝ հիմնվելով տարրեր բացատրական բառարանների տվյալների վրա: Ինչպես հայտնի է, բառերի իմաստույթային կազմում առաջին հերթին առանձնանում է նախատիպային իմաստույթը՝ բուն իմաստի ընդհանուր իմաստույթը, որը, մեր դեպքում, «զարմանք» նախատիպային իմաստույթն է: Այնուհետև որոշարկվում են տեսակային նշանակության տարրերակիչ /դիֆերենցիալ/ իմաստույթները, որոնք գարմանք արտահայտող լեզվամիավորների դեպքում հետևյալն են՝

1. Չեզոք. այս իմաստույթը բացահայտում է զարմանքի վիճակը, երբ զգացումն այնքան էլ ուժեղ և կար չէ:
2. Ուժգին. ցույց է տալիս անսահման մեջ զարմանք:
3. Թույլ. այս իմաստույթը սահմանում է զարմանքի այնպիսի վիճակ, երբ այն ամենաթույլ մակարդակում է:
4. Հաճելի. սա ցույց է տալիս դրական և դուրեկան զարմանք:
5. Shoked. ցույց է տալիս այնպիսի վիճակ, երբ զարմանքը շփոթեցնող կամ նույնիսկ նյարդայնացնող է:

Վերը նշված տարրերակների իմաստային կառուցվածքի վերլուծության արդյունքում պարզ է դառնում, որ հետևյալ իմաստույթներն են առկա այս լեզվամիավորներում. surprise – չեզոք, տիհած, հաճելի, amazement – ուժգին, տիհած, հաճելի astonishment – ուժգին, տիհած, astoundment – ուժգին, տիհած, consternation – ուժգին, տիհած, dismay – ուժգին, տիհած, disbelief – տիհած, չեզոք, stupefaction – ուժգին, տիհած, shock – ուժգին, տիհած, dumbfoundment – ուժգին, տիհած, stupor – ուժգին, տիհած, blow – ուժգին, տիհած, wonder –

⁷ Տե՛ս Katz J., Fodor J., The structure of semantic theory // Language, 30, 1963, էջ 170–210:

չեղոք, տհաճ, հաճելի, awe – ուժգին, տհաճ, հաճելի, թույլ, marvel – ուժգին, հաճելի, wonderment – ուժգին, հաճելի, admiration – ուժգին, թույլ, startle – ուժգին, տհաճ, թույլ, daze – ուժգին, տհաճ:

Այսպիսով՝ «զարմանքի» իմաստային դաշտի շրջանակներում բոլոր լեզվամիավորներն ունեն «զարմանք» նախատիպային իմաստույթը և համապատասխան տարրերակիշ իմաստույթները: Surprise լեզվամիավորը ունի միայն մի քանի հոնանշներ, որոնք ցուցանշում են հաճելի զարմանք՝ admiration, wonderment, marvel, wonder: Ըստ բառարանային սահմանումների՝ մենք չենք կարող կրահել այս լեզվամիավորներով արտահայտված զարմանքի ուժգնությունը: Այն կարող է պայմանավորված լինել խոսողի հուզական վիճակի աստիճանով կամ բնույթով: Այս գոյականների բառարանային սահմանումներում տարրեր ածականներ են օգտագործվում դրանց ուժգնությունը ցույց տալու համար, քանի որ իրենք իրենցով դա չեն կարող բացահայտել: Այդ դեպքում բավականին դժվար է վերլուծել՝ արդյոք օտե բառը հաճելի, թե տհաճ զգացում է: Երբեմն այն ունի վախի, սարսափի, երբեմն ակնածանքի, հարգանքի, հպարտության, հեղինակության, հանձարեղության տարրեր:

Ինչպես տեսնում ենք, amazement և astonishment լեզվամիավորներն ունեն surprise և wonder բառերի բոլոր իմաստային առանձնահատկությունները: Փաստորեն, amazement գոյականը համապատասխանում է դրանց իմաստային առումով, բայց ունի ուժգնության ավելի բարձր աստիճան: Ուժեղ, ծայրահեղ, ամբողջական, մեծ, անհաշիվ /strong, extreme, complete, great, overwhelming/ ածականները զարմանքի ուժգնությունն ընդգծող իմաստույթներ են:

Astoundment, amazement, shock բառույթների բառարանային սահմանումներում հանդիպում ենք այնպիսի լեզվամիավորների, ինչպիսիք են՝ անհանգստություն, կասկածամտություն, անհավատություն, անհնարինություն, անհավանականություն /perturbation, incredulity, disbelief, impossibility, improbability/, որոնք արտահայտում են տվյալանը և անհանգստություն: Այս ցուցիչները հանդես են գալիս որպես consternation, dismay, disbelief, blow բառույթներին բնորոշ հատկանիշներ, որոնք astoundment, amazement և shock բառերից տարրերվում են միայն ցածր ուժգնությամբ և երկար տևողությամբ:

Astonishment լեզվամիավորը համընկնում է surprise բարի հետ իմաստային առումով, որը բառարաններում սահմանվում է որպես ծայրահեղ մեծ զարմանք: Չնայած իր կարծատև բնույթին, զարմանքն իր անսպասելիությամբ մարդու մեջ արթնացնում է լարվածություն, անհանգստություն, հուզմունք, որն ընկզում է անհատին, և այս ամենը հանգեցնում է ուղեղի համակարգի և խոսքային գործառույթի խաթարմանը:

Stupefaction, terror, stupor, dumbfoundment, astonishment բառերը ցույց են տալիս վերլուծվող հուզական դաշտի հնարավոր ամենաբարձր աստիճանը: Այս գոյականների բառարանային սահմանումներում վախ /fear/ լեզվամիավորի առկայությունը ցույց է տալիս այս բառույթներով արտահայտված հուզերի անորոշությունը:

Վերլուծության արդյունքները ամփոփված են հետևյալ աղյուսակում.

Լեզվամիավորներ	Իմաստույթներ					Տհաճ
	Ուժգիս	Թույլ	Չեղող	Համեյի	Շամ	
Surprise	-	-	+	+	+	
Amazement	+	-	-	+	+	
Astonishment	+	-	-	-	+	
Astoundment	+	-	-	-	+	
Consternation	+	-	-	-	+	
Dismay	+	-	-	-	+	
Disbelief	-	-	+	-	+	
Stupefaction	+	-	-	-	+	
Shock	+	-	-	-	+	
Dumbfoundment	+	-	-	-	+	
Stupor	+	-	-	-	+	
Blow	+	-	-	-	+	
Wonder	-	-	+	+	+	
Awe	+	-	-	+	+	
Marvel	+	-	-	+	-	
Wonderment	+	-	-	+	-	
Admiration	-	+	-	+	-	
Startle	+	+	-	-	+	
Daze	+	-	-	-	+	

Այսպիսով՝ կարելի է եզրակացնել, որ «զարմանք» հույզը կարող է իր արտահայտությունը գտնել մի շարք լեզվամիավորներում, որոնց բառարանյին սահմանումները ցուցանշում են զարմանքի տարրեր դրսնորումներ: Առանձնացնելով «զարմանք» հասկացույթի հոմանիշների մի խումբ՝ մենք տարբերակեցինք համապատասխան իմաստույթները՝ ցույց տալով զարմանքի առաջացման պատճառ ու ծագումը. տարօրինակ, խորհրդավոր, չսպասված, հանկարծակի, շփոթեցնող և այլն: Տվյալ լեզվամիավորների իմաստային կարուցվածքի առանձնահատկությունների վերլուծությանը պարզել, որ զարմանքին հատուկ են չեղող, ուժգին, թույլ, հաճելի կամ տիաձբնորոշումները:

Օգտագործված գրականություն

1. Tomkins S., Exploring affect: the selected writings of Silvan S. Tomkins. Cambridge University Press, 1995.
2. Plutchik R., Emotions. New York, 1980.
3. Tomkins S., The quest for primary motives: Biography and autobiography of an idea. Journal of Personality and Social Psychology, Vol 41(2), 1981.
4. Ekman P., Friesen W.V., Ellsworth P., Emotion in the Human Face. Pergamon Press, 1972.
5. Izard C. E., The psychology of emotions. New York, 2004.
6. Cambridge Advanced Learner's Dictionary. Cambridge University Press, 2005.
7. Collins Cobuild English Dictionary. GB., Harper Collins Publishers, 1998.
8. Merriam–Webster's New Dictionary of Synonyms. USA, Merriam Company Publisher, 1978.
9. Oxford Advanced Learner's Dictionary of Current English, Oxford, N.Y., Oxford University Press, 2009.
10. Random House Unabridged Dictionary. N.Y., Random House, 1993.
11. Katz J., Fodor J., The structure of semantic theory // Language, 30, 1963.
12. www.oxforddictionaries.com
13. www.thefreedictionary.com

АРМИНЕ ГРИГОРЯН

Доцент кафедры языков АГЭУ,
кандидат филологических наук

ЛУСИНЕ АРУТЮНЯН

Доцент кафедры языков АГЭУ,
доктор филологических наук

Особенности семантической структуры лексических единиц, выражающих удивление.— Эмоции, как особый класс субъективных психологических состояний, отражают субъективное оценочное отношение к существующим или возможным ситуациям или поведению. Они включены во все психические процессы и состояния человека. В данной статье делается попытка классификации лексических средств репрезентации эмоции "удивление" в английском языке. Как показывает исследование, семантическая структура существительных, номинирующих эмоцию "удивление", характеризуется семами, выражающими нейтральное, слабое, сильное, приятное и неприятное удивление.

Ключевые слова: удивление, семантическая структура, компонентный анализ, архисема, дифференциальные семы.

JEL: Y8, Y9, Z19

ARMINÉ GRIGORYAN

Associate Professor at the Chair of Languages at ASUE,
PhD in Philology

LUSINE HARUTYUNYAN

Associate Professor at the Chair of Languages at ASUE,
Doctor of Philology

Peculiarities of the Semantic Structure of Lexical Units Expressing Surprise.— No activity of human life is performed without emotions being involved. Whatever we do is pervaded with the elaborations of emotional experiences of some kind. The present paper considers the basic characteristic features of semantic structure of words representing the emotion “surprise”. The analysis has shown that neutral, weak, intense, as well as pleasant and unpleasant semes are inherent in this type of lexical units.

Key words: surprise, semantic structure, componential analysis, archetypal semes, differentiating semes.

JEL: Y8, Y9, Z19